

MALAYSIA
DEWAN NEGARA

ATURAN URUSAN MESYUARAT

HARI JUMAAT, 15HB JANUARI, 1982 PUKUL 3.00 PETANG

Bil.29

1

PERTANYAAN-PERTANYAAN BAGI JAWAB MULUT

- * 1. Tuan Haji Ibrahim Abdullah minta Perdana Menteri menyatakan sama ada satu hubungan rapat dan lebih raendekat telah dibuat dengan Negara-negara pengeluar minyak seperti Negara-negara Arab berhubung dengan kerja-kerja penyelarasan di dalam perusahaan petrolium dan nyatakan juga sama ada penyelidikan sudah dibuat di seluruh perairan Malaysia bagi mendapatkan telaga minyak yang baharu.
- * 2. Tuan Alexander Lee minta Perdana Menteri menyatakan apakah Petronas lakukan dengan keuntungan-keuntungan yang begitu banyak dan apakah mereka akan membawa wang itu kembali ke negara ini.
- * 3. Tuan Abdul Razak bin Haji Abu Samah minta Menteri Luar Negeri menyatakan sama ada kedutaan-kedutaan kita di luar negeri ada dibekalkan risalah-risalah serta penerangan dan akhbar-akhbar kita bagi memberi penerangan yang meluas mengenai negeri kita yang sebenar oleh kerana kita tidak mahu adanya lagi peristiwa orang-orang Malaysia tinggal di atas pokok sebagaimana yang terkandung dalam penerbitan sebuah encyclopaedia keluaran Amerika baru-baru ini.
- * 4. Tuan Alexander Lee minta Perdana Menteri menyatakan adakah lebih minyak mentah yang baru ini mempengaruhi pengeluaran minyak di peringkat pengeluaran minyak semasa jika dibanding dengan pengeluar pada awal tahun.
- * 5. Datuk G.Pasamanickam minta Menteri Hal Ehwal Dalam Negeri menyatakan sama ada beliau sedar terdapat hanya seorang pegawai sahaja dari kaum India di Jabatan Imigresen di Kuala Lumpur dan, jika sedar sama ada beliau akan menimbangkan untuk menambahkan jumlah bilangannya.
- * 6. Puan Rahmah Othman minta Menteri Kesihatan menyatakan apakah rancangan latihan yang disediakan oleh Kementerian beliau untuk masa 5 tahun yang akan datang bagi menentukan bahawa kekosongan jawatan dalam semua jabatan dapat diatasi.
- * 7. Tuan Haji Tuan Yaacob bin Haji Engku Tonus minta Menteri Pengangkutan menyatakan sama ada Kementerian sedar bahawa arahan JPJ yang terbaharu membebaskan tuan-tuan punya kereta sewa, kerana kereta-kereta lebih dari 5 tahun tidak dibenarkan membawa penumpang, dan jika sedar nyatakan bagaimana tuan-tuan punya kereta hendak menjalankan bayaran harga kereta yang dibeli serta lain-lain bayaran yang berkaitan.
- * 8. Tuan S.Subramaniam minta Menteri Wilayah Persekutuan menyatakan langkah-langkah kerajaan akan ambil untuk menambah padang-padang permainan dalam wilayah Persekutuan memandangkan padang-padang permainan di Kuala Lumpur, pada masa sekarang tidak mencukupi.

- *9. Dr.Choo Kooi Fook minta Menteri Hal Ehwal Dalam Negeri menyatakan:-
- (a) langkah-langkah yang sedang diambil untuk mencegah pengeluaran buku-buku lucah atau kebudayaan kuning dari merebak secara berleluasa di kalangan penuntut seperti yang dilaporkan di Kuala Lumpur dan Petaling Jaya baru-baru ini dan nyatakan mana puncanya itu; dan
 - (b) jumlah mereka yang menyebarkan bahan-bahan lucah yang telah ditangkap dan dihukum dalam tahun 1979, 1980 dan 1981.
- *10. Dato' Haji Mahmoud Salim bin Haji Mohamad minta Perdana Menteri menyatakan memandangkan bahawa kegiatan-kegiatan Lembaga Urusan dan Tabung Haji yang menggalakkan umat Islam di negara ini menyimpan wang bukan sahaja untuk menunaikan fardhu haji tetapi juga menggalakkan mereka terus menyimpan wang walaupun selepas menunaikan fardhu haji dan hasilnya mengukuhkan lagi kedudukan kewangan LUTH dan juga kegiatan-kegiatan mengambil bahagian di dalam berbagai projek pembukaan tanah ladang kelapa sawit dan getah di samping penceburBB-nya dalam bidang kegiatan pembangunan negara yang lain, adakah LOTH bercadang untuk mengambil bahagian dalam projek perumahan kos rendah dan sederhana dengan tujuan dijual kepada ahli-ahlinya dan jika ya, bilakah rancangan ini akan dimulakan, dan jika tidak, mengapa.
- *11. Dato' Yap Peng minta Menteri Pelajaran menyatakan sama ada beliau akan mengkaji untuk menubuhkan sekolah berasrama penuh (comprehensive boarding school) terutama sekali di bandar-bandar seperti yang didapati di negara-negara maju untuk memberi pelajar-pelajar peluang untuk belajar secara lebih intensif.
- *12. Tuan S. I. Rajah minta Perdana Menteri menyatakan apakah langkah-langkah positif yang akan diambil supaya pasukan-pasukan keselamatan polis dan tentera tidak akan bertempur sesama sendiri pada masa yang akan datang seperti insiden-insiden di Taiping dan Perlis.
- *13. Puan Hajjah Salmah binti Sheikh Hussein minta Menteri Pertanian menyatakan sama ada benar bahawa ada sindiket yang sediar membeli dan menjual subsidi baja dan racun yang diberikan kepada petani-petani dan jika ya, nyatakan tindakan yang telah dan akan diambil untuk melumpuhkan aktiviti sindiket ini dan menentukan bahawa subsidi itu betul-betul sampai kepada petani dan digunakan bagi maksud yang tertentu.
- *14. Tuan Haji Azlan Kinjawan minta Menteri Perdagangan dan Perindustrian menyatakan sama ada beliau sedar bahawa Anchor Beer yang dibotolkan oleh Malayan Breweries (M) Sdn.Bhd., baru-baru ini berlainan bau dan rasanya dan jika sedar sama ada beliau akan menyiasat perkara ini.
- *15. Tuan V. V. Aboo minta Menteri Hal Ehwal Dalam Negeri menyatakan:-
- (a) di bawah Ordinan Dharurat (Emergency Ordinance) seseorang itu akan ditahan, apabila ada orang lain yang membuat aduan; sama ada beliau sedar bahawa terdapat sebilangan besar kes-kes yang terjadi di mana seseorang yang ditahan apabila ada orang membuat aduan dan pihak polis terus bertindak menahan orang itu tanpa menyiasat identiti atau nama yang sebenarnya orang yang membuat aduan tersebut;

- (b) sama ada beliau sedar bahawa kadangkala penahanan seseorang itu di bawah Ordinan Dharurat (Emergency Ordinance) adalah kerana fitnah atau lapuran palsu oleh si pengadu; dan
 - (c) apakah tindakan yang beliau akan ambil untuk menggalakkan daripada berlakunya kezaliman.
- *16. Tuan Abdul Razak bin Haji Abu Samah minta Menteri Pengangkutan menyatakan kelengkapan di Lapanganterbang Antarabangsa Subang, yang masih dalam pembinaan, seperti Aircraft Parking Bays.
- *17. Datuk Haji Mohd.Din bin Jaafar minta Menteri Pertahanan menyatakan bilakah Kementerian berkenaan memulakan pembesaran Pengkalan Tentera Laut Diraja Malaysia di Labuan sebagaimana yang pernah dicadangkan.
- *18. Tuan K.Kumaran minta Menteri Pembangunan Negara dan Luar Bandar menyatakan:-
 - (a) bilangan murid-murid mengikut pecahan kaum yang sedang belajar di "MARA Junior Science Colleges" di negara ini; dan
 - (b) sama ada Kementerian bercadang menambahkan lagi pengambilan murid-murid rakyat keturunan India di sekolah-sekolah ini.
- *19. Dato Haji Mohd.Nor Mohamad minta Menteri Kewangan menyatakan mengapa bayaran zakat cuma diberi potongan daripada bayaran cukai pendapatan jika bayaran zakat itu dibuat dalam tahun sebelum tahun bayaran cukai pendapatan; dan nyatakan bolehkah bayaran zakat yaag dibuat pada tahun yang sama dengan bayaran cukai pendapatan dipotong daripada pembayaran cukai di tahun yang sama.
- *20. Tuan Alexander Lee minta Menteri Kewangan menyatakan adakah pihak Kerajaan sedar bahawa Perusahaan Automative Battery Malaysia menghadapi persaingan yang hebat dari pengimpot-pengimpot yang kini memegang 40% daripada pasaran; jika ya, nyatakan mengapa Kerajaan menaikkan cukai impot untuk melindungi perusahaan tempatan itu akan menimbang mengurangkan cukai eksais untuknya.

ATURAN URUSAN MESYUARAT

- | | | |
|-------------|--|---------------------------|
| (DR. 19/81) | Rang Undang-undang Keistimewaan Diplomatik
(Konvesyen Vienna) (Pindaan)-
Menyambung semula Perbahasan atas Masalah,
"Bahawa Rang Undang-undang ini dibacakan
kali yang kedua sekarang," (14 Januari, 1982) | |
| (DR. 23/81) | Rang Undang-undang (Perancangan)
Wilayah Persekutuan | Bacaan Kali
Yang Kedua |
| (DR. 24/81) | Rang Undang-undang Ibu Kota
Persekutuan (Pindaan) | "" |
| (DR. 21/81) | Rang Undang-undang Pejabat Pos
(Pindaan) | "" |